

حسرة ايديني

أمر في ذاكرة منفاك
أصب الحب في اليمنى
واصب العشق في يسراك
أدللها مشاويرك
وتجحدني مشاويري
منو غيري
يتوضا بدموع الصمت
ويصلي للألم ركعة
ويستغفر ذنب تقصيري
وطن
ما بي وطن غيرك
كثر ما زاد تقصيرك
كثر مسعاك
لأحباطي وتدميري
حزن
شكو يعني
لما الحزن يلبسني
راح اوقف
في مسرح قسوتك وضحك
كفايه حبي المجنون

يكون عيون
تشهد لي
يكون ربي وجمهوري
وادوزن حسرة ايديني
صدي إعجاب
فرح أرتاب
إذا مرت سحاباته
تبيلني كذا لحظة
وليش أفرح؟
سؤال يجرح بإحساسي وتفكيري
تبي يعني
على غيابك أعاتبني
تبي كل الخطا مني؟
ولا يهمك من عيوني
راح ارقص طرب وضحك
واداري زحمة شعوري
روح ورايتك بيضا
بدمع الفقد باتوضا
واصل للوجع وارضى اب عذاباتي

وحزني والألم والهم
باحسبها مقاديري
تعب صدري
يشيل الهم من صغري
تعبت أزرع دروب الناس
ورد وانداس
تعبت امشي
مشاوير الوفا واطيح
من التجريح
وتجحدني مشاويري
خلاص ابعده وانا ب ابعده
بكل الحب والتقدير
وزلاتي مع التقصير
صلاة الحب
في قلبك .. على دربك
إذا تبغى بإمكانك
تصليها مع غيري

منتهم القريش

